


Rongtalani & Bil!



Amazing Facts
Poraiani

9




Nang-ni ka-sagiparangko gisik saatenganio na-a neng-ahama? Nang-ni batanggimin dakgualanirangna duk ong-jringe na-a janggi tangengama? Ning-oni aro a-paloni rongtale su-srangako man-na na-ara skengama? Indake ong-ode chingo namgipa kobor donga — jekon na-a dakna man-gen! Nang-ni pilak paprangko talsrange su-srangna aro nang-ni cholon bewalko namatpilna Isolo miksongani donga. Ian agan bolbole rogipasama? Mamungdakeba ong-ja! Sastro indake agana, “Baptize ka-achi an-ching Un baksa gopako man-aha” (**Romrangna 6:4**). Jensalo na-a Kristoko ra-chakon, gitcham janggi tangani bewalrang sia aro nang-ni pilak paprangko gisik ra-jawaha ine Gitel ku-rachaka! lasan ong-aija, papan gaggipa cholon mingantikon chena Ua nang-na dakchakna ama. Sastroo chisolko **chang 28** janapengon, napbolaniko **chang 97** janapani donga ine na-a ma-siama? Ian aditan gamchatbegipa ong-na nanga — aro jajaani grian, gualna neng-gipa, batanggimin pap dakaniko gopani aro gualani baksa gital janggi tanganiko mesoka. Sastroni aiao inmgipa kakket ong-anirangko poraibo!

1

Napbolaniara nangchongmotgipa ong-ama?

“Je mande bebera-a aro baptize ka-atako man-a, uako jokatgen; indiba je mande bebera-ja, una sastiko agangen” (**Mark 16:16**).

Aganchakani: Oe! Mamungkoba dakgipa maikai ong-na amgen?



2

Indiba chisol sakni dokprete ra-gipade napboljachim, indide an-chingara maina napbolgen?

“Maina an-chingni bimangko Ua u-ia, an-chinga a-dimusan ine Ua gisik ra-a” (**Gitrang 103:14**).

Aganchakani: Gitelni An-tangni manderangna **Ezekiel 33:15** o aganani gita, ua dokprete ra-gipa an-tangni ra-sekgiminkoba on-pilja. Isol, an-ching maiko dakna man-genchim uko dakaniko dabia, indiba “a-dimuni” bilgrianirangkoba Ua ma-sia. Ua dakna am-gijagipa dakna nanganikode dabijawa. Ua dokprete ra-gipara chisol sakoni ong-onbae, napbolena man-genchimma. Napbolna chol man-gipa mande sakantian napbolna gita nanga.

3

**“Napbolani” ine
ra-chakgimin dakbewalrang
namen bang-bea.**

**Napbolnasienggipa mande
an-tangko on-kangenga ong-ode,
uarangoni mingsa jekoba ra-chakna
man-aijawama?**

**“Gitel saksan, bebera-a mingsan, baptize ka-a
mingsan” (Ephesurangna 4:5).**

Aganchakani: Man-jawa. Kakketgipa napbolanide
mingsa mangmangsang. Pilak gipin nabpolanirangde
tol-gipasa ong-aia. “Nabolani” ba “baptism” ingipa kattara
Greek katta “baptisma” ingipaoni ong-baa. Jeni miksonganian
“sim-bolani ba chio sim-bolani” ine ong-a. Chiko ba chi gita
jingjonggiparango (liquids) jakkalani bidingo talatani
Niam Gitalo Greek katta mingchet donga. Indiba ua
dingtang dingtang katta chong-motan jeni miksonganian
satkikia, rudapa, ba sim-bolani – uarangoni mingsa
miksongani “sim-bolani” (baptizo) ingipa mangmangsang
napbolaniko talatna jakkala.

U-ie Ra-ani: Napbolani bidingo Satanni “tol-napna”
miksonganio indake agana, “An-tangna basebo. Napbolani
dakbewalde mamung ong-ja. Gisikkosa channa.” Indiba
Sastrode indakesa agana, “Gitel saksan, bebera-a mingsan,
baptize ka-a mingsan.” Ua indakeba agana, “Angni nang-na
agana Jihovani ku-rangko manibo” (Jeremia 38:20).

***Napbolani mingsa dakbewal
mangmangsang Sastroni gita
ong-aia, ming 14 ong-ja.***

Tilehi azuloputsukeu ghola Baibel lo khijehi anikea?



Pagipa, Degipa, aro
Gisik Rongtalgipani
bimungo napbolata



Golap bibal



To



Chi



Sim'bolani



Chi Dongja



Draka bitchi



Satkikia



Telephone



Dak




Gisik Rongtalgipasan
mang mang



Chio sim'bola



Kari



~~Napbolata~~

Nangjaha



4

Jisuara maidagpiba bewalo napbolaha?

"Jisu ... Johanni jakchi Jordano baptize ka-atako man-aha. Aro chioni bakan gakatmitingo ..." (Mark 1:9, 10).


Aganchakani: Jisu sim-bole napbolaha. To nongako man-ani ja-mano, Uni "chioni bakan gakatbaaniko" chanchie nibo. Jisu "Jordano" napbolaha, chirikamo ong-ja, ine bang-an bebero-a. Johan Napbolatgipa jeon "chi bang-achim" (Johan 3:23) indagpiba biapkosa pangnan am-a, jedakode ua chu-onga gita tugipa chiko man-gen. An-chingara Jisuni dakmesokaniko ja-rikna okamako man-aha ine Sastro agana (1 Pitör 2:21).

5

Indiba skangni toromko dilgiparang ia napbolani bewalko dingtangatjahama?

"Uamang sakgnian chiona ong-onangaha, Philip aro kasi; aro ua uko baptize ka-ataha. Aro uamang chioni gakatoa Gitelni Gisik Philipko rimangaha" (Watarang 8:38, 39).

Aganchakani: Ong-ja. Philip, jean saksa skangni Kristian toromko dilgipa ong-achim, Johan Napbolatgipani Jisuko napbolata gita Ethiopiani treasurerko sim-bole napbolataniko ka-sapae nibo. Da-rang mandeba, ua mondolio jedagpiba gadangni memborba ong-bo, Isolni dakna ge-etgiminko, dingtangatna bilko man-ja.



6

Jisu aro Uni sninggiparang sim-bolesa napbolaha ong-ode, sawasa da-ororo dakenggipa gipin napbolani bewalrangkoara dakdilbachengaha?

"Indiba uamang Angko olakkigramaia, skianirang ine manderangni ge-etanirangko skie" (Mati 15:9).

Aganchakani: Skisretako man-gipa manderangsa Isolni Kattaoni bikpile gipin napbolani bewalrangko dakdilbachengaha. Jisu agana, "Na-simang an-tangtang chasong chasongni niamni gimin maina Isolni ge-etako pe-a? ... Aro na-simang an-tangtang chasong chasongni niamni gimin Isolni kattako bingbangataha." (Mati 15:3, 6). Mandeni skianiko ja-rike olakkianiara ong-gramaiani ong-a. Chanchie nibo! la rongtalgipa napbolaniko gamchate nikatjana jotton ka-e manderang miksonge dakaha. Jajaani grian "chang-sanon rongtalgiparangna on-gimin bebera-ana dakgrikchakna, ... mol-mole" (Juda 1:3) Sastro an-chingko didia.



7

Napbolana gita mande maiko dakna nanggen?



Aganchakani:

- A. **Isolni** nang-nikaniko Skie Ra-bo. "Uni gimin na-simang re-ange pilak jatrangko sninggipa dakbo, aro uamangko baptize ka-atbo; Anga jeko jeko na-simangna ge-etaha, ua pilakkon manichina uamangna skiebo" (Mati 28:19, 20).
- B. **Isolni** Kattani bebe ong-aniko Bebe Ra-bo. "Je mande bebera-a aro baptize ka-atako mana, uako jokatgen" (Mark 16:16).
- C. **Gisik** Pil-bo aro nang-ni paprangoni an-pilbo aro bimang dintang ong-bo. "Na-simangni paprangko watchina na-simang sakantian gisik pil-bo, aro Jisu Kristoni bimungo baptize ka-ako man-tokbo" (Watatarang 2:38). "Uni gimin na-simangni paprangko kimitna amna gita, gisik pil-bo" (Watatarang 3:19).

8

Napbolani ortoara maia?

"Uni gimin Uni siana baptize ka-achi an-ching Un baksa gopako man-aha; jedake Kristo Pagipani rasongchi sigiminrangoni chakatpilako man-aha, uandake an-chingba maikai janggini gital ong-ao re-ruragen. Maina an-ching Uni siao mesokan baksa nangrimahaode, an-ching uni chakatpilanini baksaba ong-gen. An-ching maikai papni nokkol ong-jawaha, papni be-enko gimaatna ine, an-chingni mande gitcham Un baksa chisolo datkapako man-aha ine an-ching u-ia" (**Romrangna 6:4-6**).

Aganchakani: Napbolaniara Kristo baksa Uni siao, gopa man-anio aro chakatpilanio bebera-giparangni apsan nangrimaniko miksonga. Napbolmitingo mikrongrangko mikchipa aro rang-sitaniko sigimin gita ra-rika. Unikode chio gopaniona re-baa aro chiarigipa gopramoni Kristoo gital janggi tanganiona chakatpila. Jensalo chioni chakatbaahaon, siaoni chakataia gitachacha, mikronrang otaia aro ua bebera-gipa rang-sitaia aro ripengrang baksa agangrikaia. Kristian aro gipin toromrangni gisepo dal-begipa dingtangrikanide Kristoni siani, gopa man-ani aro chakatpilanian ong-a. Ia minggittam daka kamrangon pilakkon chu-sokata je Isol baditan an-chingna dakna skani ngang. Kristianrangni gisiko ia nangchongmotgipa minggittam kamrangko chon-kaman somoiona kingking tange rakkina gita, Gitel ia sim-bole napbolaniko gisik ra-na donaha. Gipin napbolani dakbewalrango Uni sianiko, gopaniko aro chakatpilaniko mesokna gita mamungba dongja. Sim-bole napbolanio mangmangsan **Romrangna 6:4-6** ni ortoko chu-sokataia.

Jensalo anga napbolahaon, angni bebera-aniko jajagijan iarango paraka



Jisuni siano



gopanio



aro chakatpilanio



9

Indiba mande an-tangko pangnaba papo ga-akataijawa ba pap kataijawaha ine namemancha ma-sikujaona kingkingde napbolna gita nangiAbachenga nangama?

"Ang dederacharang, iarangko Anga na-simangna sea, maikai na-simang pap ka-jagen. Aro saoba pap ka-ode, Pagipani mikkango an-chingna aganchakgipa gngang, Jisu Kristo toromigipa." (1 Johan 2:1).

Aganchakani: Pangnaba ga-soltapjawaha aro ga-akjawaha ine name man-sikujaona kingking rama re-na jotton ka-nabe ine bi-sako aganani gita ian ong-a. Kristian ong-aniara Kristoo atchigital "bi-sa" ong-a. Uni giminsa bimang dingtang ong-anikoara "atchipiltaia" ine minga. Mandeni batanggimin salrango pap ka-anirangko bimang dingtang ong-anio Isol kema ka-manaha aro gualmanaha. Aro napbolanian batanggimin janggi tanganina gisiko skaniko gope galanikoba mesoka. An-ching Kristian janggi tanganiko dal-giminrang ong-ana bate, bi-sarang gita a-bachengtaia, aro Isol an-chingni brigijagipa Kristianrang gita bang-gija ga-akanirangna bate, an-chingni cholon bewal aro janggi tanganio pangchake bichalko ka-a.

10

An-pilenggipa papina napbolaniara maina ta-raken nangchongmotgipa ong-a?

"Aro da-o na-a maina ru-uta? Chakate Uni bimungo bi-e, baptize ka-ako man-bo, aro nang-ni paprangko su-srangbo" (Watatarang 22:16).

Aganchakani: Napbolaniara mande jinmarangna, gisik pil-gipa papi Jisuchi kema ka-ako aro rongtalako man-aha ine sakki on-ani ong-a (1 Johan 1:9) aro uni batanggimin pap ka-anirang janggilchi ong-aha. Dingtangako man-ani ja-mano ua mandeni kosako papi ka-gipa ine mesokna mamung sakki dongjaha. Da-ororo me-a aro me-chikrang pap aro dosi dakani jrani kokimao neng-nikaniko man-tokenga, aro ia rongtalgijani aro neng-skimanirang pap kema ka-ani aro rongtalatani gimin mandeni pilak u-iani gisiko ong-nasipile namen nosto ka-a. Indiba chong-motgipa dakchakanikode Kristoona re-baosan mangmang man-a amaia, jean Uona re-bagipa pilaknan indake agangipa ong-a, "Anga namnika, rongtalbo" (Mati 8:3). Ua rongtalatmangmangaianan ong-ja, indiba Ua nang-ni gitcham pap dakgipa bewalrangkoba bon-atna Abachengaha. Napbolaniara dal-batsranggipa nangchongmotgipa ong-a maina uan Jisuni an-chingna aiao inmanpilgipa on-aniko manderangni mikkango ra-chakaniko mesoka!

Bimang dingtang ong-anio, Isol:

1. An-chingni batanggimin pap dakanirangko kema ka-a aro gisik ra-jaha.
2. An-chingko gisikni gita gital janggi tangchina aiao inmanpilgipa Abachenganiko daka.
3. An-tangani depanterang aro demechikrang ong-china an-chingko deragata.

Dingtangna siggipa mande manchade mamung dakeba napbolaniko ru-utatjawa, jean manderangni mikkango pilak aiao inmangipa kamrangna Jisuko mandera-ani ong-a.



11

Napbolna tarianiko dakna gita badita somoiko nanga?

Aganchakani: Uan napbolnasigipa mandeosa pangchaka. Mittam manderangde sakgipinrangna bate maikoba kolomna ta-rakbata. Indiba bang-bata changon, kan-dikgipa somoiko ra-e tarianiko dakna man-a. Iarangan Sastroni dakmesokanirang ong-a:

- A. Ethiopiani treasurer (Watatarang 8:26-39) – bebeko knaani apsan salon ua napbolaha.
- B. Phillipini patokko rakkigipa aro uni nokdang (Watatarang 16:23-34) – bebeko knaani apsan walon uamang napboltokaha.
- C. Tarusni Saul (Watatarang 9:1-18) – Damaskuschina re-anggipa ramao Jisuni mikkang pa-aoni salgittam ja-manon ua napbolaha.
- D. Kornelius (Watatarang 10:1-48) – uni bebeko knaani apsan salon napbolaha.

12

Napbolanio bimang dingtang ong-gipa mandeni gimin Isol maiko chanchia?

Aganchakani: An-tangni Depanteni napbolanio Ua indake aganaha, “lan angni ka-sara Depante, iano anga namnikbea” (**Mati 3:17**). Jemangan Gitelna ka-saa uamangde pangnan Uko kusi ong-atna je obostaoba jotton ka-a (**1 Johan 3:22; 1 Thessalonikarangna 4:1**). Kakket ong-e bimang dingtang ong-anina salgjo katchaa!



13

Isolni mondolini membora ong-gija mandeara kakketgipa napbolaniko dakna man-ama?

Aganchakani: Man-ja. Isol iani bidingo indake agana:

- A. Pilakan be-ensan ong-china okamako man-a. “Be-ensano na-simang okamako man-aha” (**Kolosirangna 3:15**).
- B. Mondoliara be-en bimang ong-a. “Ua be-enni, chong-motan mondolini, skotong ong-a” (**Kolosirangna 1:18**).
- C. An-ching napbolachi ua be-en bimangona napa. “Maina an-ching . . . pilakan Gisik saksano be-en an-sanna baptize ka-ako man-aha” (**1 Korinthirangna 12:13**).
- D. Isolni bimang dingtang ong-ako man-gipa manderangde mondoliona chapatako man-a. “Gitel uamang baksa jokna man-enggiparangko salanti chapatachim” (**Watatarang 2:47**).



14

la mingbriko napbolani dakja, uarango name nibo:

Skanggipa:

Napbolani an-tangtangari ka-tongko dingtangatja; uade dingtang ong-aniko mesokgipasan ong-aia. Mande bebera-a gri, gisik pil-a gri, aro gital ka-tong gri napbolnaba donga. Ua Jisuni dakmesokani ja-mano sim-bolako man-aba donga, indiba ua san-gipa ong-ani pal sosigipa papi mandesan ong-aigen – bebera-a gri, gisik pil-a gri, aro gital ka-tong gri ong-kuaigen. Napbolani an-tangari mandeko gital ong-atna man-ja. Ka-tongko dingtangatgipade uan Gisik Rongtalgipani dingtangatani bilsa ong-a. Mande Gisikoni aro chioniba atchitaina nanga (Johan 3:5).

Gnigipa:

Napbolani ramramaride mandeni gisikko nambatatja. Ua an-chingni chanchianirango ramramari dingtangatja. Mittam manderang napbolani ja-mano gisik dingtangatako man-jaani gimin duk ong-a. Jokatanide mandeni chanchianio pangchakja, indiba bebera-ao aro katta maniaosa ong-a.



Gittamgipa:

Napbolani dakmajoaniko ra-galja. Jensalo mande napbolahaon Satan unbaksa dagrikaniko matchotkuja. Apsan daken, Jisuban matchotkuja, jean indake ku-rachaka, "Anga mamungdakeba nang-ko watjawa, aro mamungdakeba watgaljawa" (**Ibrirangna 13:5**). Jokani chol gri ong-edede mamung dakmajaoniba sokbajawa. lan Sastrooni ku-rachakani ong-a (**1 Korinthirangna 10:13**).


Brigipa:

Napbolanide jokchongmotgnok ine ka-dongatgipa jadu montol dakani ong-ja. Jensalo saoba gital achitaiahaon, jokataniaara indin on-ani gitasa Jisu Kristooni re-baa. Napbolania kakketgipa bimang dingtang ong-aniko mesokgipasa ong-a, aro bimang dingtang ong-ani napbolanina skang ong-jaode, ukode dakani mamung orto dongja.

15

Nang-ni paprangko su-srangaha ine mesokani gita nang-ko napbolchina Jisu aganenga. Na-ara ia rongtalgipa to nonganiko dakna ta-raken tarina sikgenma?

Nang-ni Aganchakani:



Napbolani bidingo nang-na Jisu aganengode, uko jegalchanabe.

Nang·ni Sing·anirangna Aganchakaha

1. Changsana bate napbolaniara kragipa ong·ama?

Aganchakani: Oe. **Watatarang 19:1-5** napbolaniara obostani kri ong·a ine Sastro paraka ine mesoka.

2. Atchigital bakgitchakko napbolatna nangama?

Aganchakani: Darang mandeba iarangko u·igijade ba daggijade napbolna gita nangja (1) Isolni kakket ong·aniko ma·siani, (2) uko bebera·ani, (3) gisik pil·ani, aro (4) bimang dingtang ong·aniko chagrongani. Darang bi·saba iano kragipa ong·na man·ja. Darangba bi·sa bakgitchakko napbolatna bil dongja. Dakgenchimode, Isolni napbolani bidingo ge·etaniko mandera·gijani ong·a. Mondolio dilsretgipa mande, batanggimin bilsirango, napbolgijagipa bi·sa bakgitchakrang gimagen ine ge·etaniko agananiko dakaha, indiba uan Sastromung meligipa ong·ja. Kakket ong·gijagipa ka·namgijagipa jean ma·a paani detangko napbolatna man·jahani gimin dosi grigipa bakgitchak bi·sako nisigipa ine ian Isolni rasongko be·atani ong·a. Indake skianirang namen dukni kattarang ong·a.

3. Napbolaniara paltangni miksongani ong·jama?

Aganchakani: Oe ong·a — indiba nang·ni ba angni ong·ja. Iano Kristoni miksonganisa mongsonggipa ong·a. Napbolani Una mongsonggipa ong·a ine Kristo agana. “Chionimung Gisikoni atchijaode, saksaba Isolni songnoko napna amja” (**Johan 3:5**). Napbolaniko jegalaniera Isolni ku·pattianiko jegalani ong·a (**Luk 7:29, 30**).

4. Napbolaniko dakna badita bilsiko chu·onga?

Aganchakani: Kraa gita ong·a aro ong·gijani dingtanggrikaniko u·iahaon aro an·tangko Kristona on·kange Uko ja·rikna gisik seng·e baseaniko dakna changahaon uan napbolna kragipa ong·a. Bang·a bi·sarangan bilsil 10 ba 11, ba mitamrang bilsil 8 ba 9 o napbolna taritoka. Aro mitamrangara bilsil 12 ba 13 onaba tariman·gimin ong·ja. Sastroo indita bilsilo ine dingtangmancha aganani dongja. Bi·sarang pilakan dingtang dingtang paltangni cha·grongani aro u·iani donga. Mitamrang sakgipinrangna bate seng·gnangbate tariman·gimin ong·a.

5. Napbolanio aro napbolanichi jokataniko man·a gita amama?

Aganchakani: Man·ja. Indiba napbolaniko jegalanichi mande gimana man·a, maina uni ortoara bamgijaniko mesokani ong·a. Jokatanide “uko manigipa pilakna jringjrotni jokani ong·atgipa ong·baaha” (**Ibrirangna 5:9**).

6. Gisik Rongtalgipachi napbolaniara pilakni gitan nangchongmotgipa ong·jama?

Aganchakani: Ong·ja. Gisik Rongtalgipachi skang napbolomangba, chio napbolani nangchongmotgipa ong·a ine Sastro, **Watatarang 10:44-48** o mesoka.

7. An·chingara Jisuni bimung mangmangosan napbolna nangama?

Aganchakani: **Mati 28:19** o, Pagipa, Degipa aro Gisik Rongtalgipani bimungo napbolchina an·chingna agana. Uarangan Jisuni rongtalgipa kamrang ong·a. Watatarangni ki·tapo, gital bebera·giparang Jisuni bimungo napboltoka ine an·ching nikna man·a. Uamang, Jisuko Messaia ine ma·siachim jean ua chasongni manderangna dingtangmancha nangchongmotgipa ong·a; uni giminsa, Uni bimungo napbolna uamangna dingtangmanchagipa ong·achim. Ia chasongoba ian namen nangchongmotgipa ong·a ine an·chingba bebera·a.



Mati aro Watatarangni ki-taprangni sakkirangko dondime,
an-ching Pagipa, Degipa (Jisu), aro Gisik Rongtalgipani
bimungo napbolata. Ia bewalko ja-rikanichi Sastroni ki-taprangko
ge-sa ge-gipinna chu-batataniko champenga.

8. Ango pap mingsako gelna namen neng-nikani gnan. Angara napbolboma?

Aganchakani: Basakobade an-ching dingtangmanchagipa papko gelna namen neng-nika aro an-ching uko chejawa ine chanchiman-pila. Ka-donga gri ong-nabe! Isol an-chingko “pilak jrimako aro duule rim-ninggipa papko galangenba, an-chingna donsogimin daarianiko chakchike” (**Ibrirangna 12:1**) daarianiko nangnika. Isol jedakgipa papkoba cheaniko nang-na on-na man-a! Indiba uko on-kanganiko dakjaskal na-a uko chio napbolanio gope galna tarikujaenga maina giticham papni janggian sikujaenga. An-ching an-tangna sianiosan mangmang an-ching Kristona janggi tangna man-gen.

9. Galatirangna 3:27 ko na-a talatna man-genma?

Aganchakani: Uano ja-pangde Isol napbolaniko bi-a ka-ani baksa tosusaaniko dakenga. Mande jean parake napbolaniko daka uko ra-gimin ine chana – Kristoni bimungko (Kristian) gana, jedake bi-a ka-anio bang-a bi-a ka-gimin me-chikrangan segipatangni bimungko uamangni bimungo segataniko jinmana parakachim. Napbolanio, bi-a ka-a gita, adita dakbewalrangko ja-rika:

- A. Kakketgipa ka-sagipa kosako sason ka-kuja dipet uanona re-angna nangja.
- B. Ua mande pilak somoion, duk sukoba kakketgipa ong-na skani dongjaskal uanona re-angna nangja.
- C. Chu-gimik ma-siani gnangsa uko dakna nanga.
- D. Uko somoina skang ba agre ja-manchakdugae dakna nangja.

Nang.ni agananiko ba sing.anirangko iano sebo



Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangatgen aro nang-na baikamgipa ka-donganiko ra-bagen.
Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljokatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. **Sastro an-chingna indake agana, Gitel saksan, bebera-a mingsan, aro (1)**
Ming 15 napbolani.
Ming 5 napbolani.
Ming 12 napbolani.
Ming 1 napbolani.
2. **Jisu napbolani nangchongmotani gimin skiama? (1)**
Oe.
Skija.
3. **Jisu ia bewalo napbolaha (1)**
Chi rudape.
Satkikiachi.
Chio sim-bole.
4. **“Napbola” ingipa kattani ortoara (1)**
Kusi ong-ani.
Satkikiani.
Rudapani.
Chi ning-o ba sim-bolani.
5. **Da-ororoni bang-a tol-gipa napbolanirangoara an-chingna on-aha (1)**
Kristo.
Watatarang.
Dilsretgipa manderang.
6. **Napbolna gita mandeni dakna nangngigiparangko chin dakbo: (4)**
Sastroko matchote chang bunga poraibo.
Bebeko bebera-bo.
Bimang dingtang ong-bo.
Joljol sal 10na bi-bo.
Sal 40na okgimu chakbo.
Isolni nangnikanirangko skie ra-bo.
Gisik pil-bo aro papko watgalbo.
7. **Napbolaniara iako mesoka (1)**
A-gilsakko ong-ataniko.
Sastroko.
Salgiko.
Kristoni sianiko, Uko gopaniko, aro Uni chakatpilaniko.
Sa-grerangko.
8. **Napbol gital Kristianara (1)**
Gisikni gita bi-sa ong-a.
Gisikni gita dal-gimin ong-a.
9. **Napbolaniko, jensalo bi-ani, kakket ong-ani, aro ma-siani baksa dakon (1)**
Bimang dingtang ong-aniko jinmana paraka.
Uni ortoara chi jroana bate re-angna man-ja.
Ua mande dakmajoaniko man-taijawaha.
10. **Bi-sa bakgitchakko napbolataniara Sastroni gita ong-ama? (1)**
Oe. Ong-ja.
11. **Mitam bi-sarangde napbolna gita sakgipinrangna bate ta-rakbate tariman-giminrang ong-a. (1)**
Ong-a. Ong-ja.
12. **la kattarangoni badiarang Sastroni gita napbolani gimin kakket ong-a? (6)**
Sastro napbolaniko bi-a ka-a baksa tosusaa.
Gisik Rongtalgipachi napbolanian nang-ni pilak nangani ong-a.
Isolni skianirang mandeni skianirangna bate dal-bata.
An-chingna dakmesokani gita Jisu napbolaha.
Sastroo napboltaianiko dakmesokani gnang.
Napbolaniara gital atchitaiani chin ong-a.

Gitcham janggi tanganiko napbolanio gope galaha.
Na-a changsni napbolna nanga.

13. Napbolnasigipa mande pangnan bang-a antirang ba jarangko somoi ra-na nangama? (1)

Oe. Nang-ja.

14. Mondolini membr ong-pagija mandeara chong-motgipa napbolaniko man-na amama? (1)

Oe. Amja.

15. Man-a dipet ta-raken anga sim-bole napbolna skenga.

Oe.

Sikja.

Anga sim-bole napbol gimin ong-aha.

Kosako sing.anirangna bon.e aganchakbo!



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :				
Nang.ni Email :				
Phone Number :				
Nang.ni Address :				
City, District :	State :	Country :		
Pin :	Bilsi :	Misi :		

Nang.ni contact info-ko tik dake on.bo